

三國志集解

十八

(本書用商務印書館排校舊型新印)

三 國 志 集 解

(線裝布套三函全十八冊)

盧 弼 著

*

古 籍 出 版 社 出 版

北京東總布胡同十號

(北京市書刊出版業營業許可證出字第〇七七號)

中 華 書 局 上 海 印 刷 廠 印 刷

新 華 書 店 發 行

*

統一書號：11016.4・字數：200萬・56,12.京補型

開本：620×1144 耗玉扣紙 1/6・印張：783 2/3・纈頁：36

一九五七年十月第一版

一九五七年十月上海第一次印刷

印數：1—2,100 定價：50.00 元

吳書十四

三國志五十九

吳主五子傳第十四

劉咸炘曰稱子仿漢書武五子以中有太子也

晉 平 陽 侯 相 安 漢 陳 壽 撰

宋中書侍郎西鄉侯 聞喜裴松之 注

沔陽盧 弼集解

孫登字子高權長子也

登不知所出周壽昌有說見後注

魏黃初二年以權為吳王拜

登東中郎將

東中郎將見魏志董卓傳

封萬戶侯

侯康曰藝文類聚卷五十一魏文帝冊孫權太子登為東中郎將封侯文云蓋河洛

寫天意符讖述聖心昭晰著明與天談也故易曰河出圖洛出書聖人則之孫將軍歸心國朝忠亮之節同功佐命而其子當為魏將軍著在圖讖猶漢光武受命李氏為輔王梁孫咸並見符緯也斯乃皇天啟祐大魏永令孫氏仍世為佐其以登為東中郎將封縣侯萬戶昔周嘉公旦祚流七胤漢禮蕭何一門十侯今孫將軍亦當如斯若夫長平之榮安豐之寵方斯蔑如

登辭侯不受

宋本侯作疾

是歲立登為太子

吳王太子也黃武四年權

為太子登娉周瑜女見程秉傳周瑜傳又權為子登揀擇淑媛娉芮玄女為妃見潘濬傳注引吳書

選置師傅

程秉為太子太傅見秉傳

銓簡

秀士以為賓友於是諸葛恪張休顧譚陳表等

表陳武子事見武傳

以選入侍

講詩書出從騎射權欲登讀漢書習知近代之事以張昭有師法重

煩勞之乃命休從昭受讀

命各本皆作令范書列女傳扶風馬融伏於閣下從班昭受讀王鳴盛曰漢人讀書必有師法無師

不能讀三國吳志吳主欲登讀漢書使張昭之子休從昭受讀可見

還以授登

唐庚曰劉備教禪以漢書而權亦令張休從昭受讀還以授登世以權備

之智不足以知二帝三王故所貽謀止於如此是大不然伊尹之訓太甲稱有夏先后而不及唐虞周公之戒成王稱商三宗而不及唐虞豈伊周之智不足以知堯舜禹亦取其近於時切於事者已權備之教子不忽近而慕遠不貴名而賤實此亦伊尹周公之遺法也

登待接寮屬略用布衣

之禮與恪休譚等或同輿而載或共帳而寐太傅張溫言於權曰夫

中庶子官最親密切問近對宜用雋德於是乃用表等為中庶子

中庶

子見魏志鮑助傳

後又以庶子禮拘復令整巾侍坐

東觀記云以中庶子入侍講沈志中庶子漢置古者世祿卿大

夫之子既為副倅謂之國子天子諸侯必有庶子官以掌教之黃龍元年權稱尊號立為皇太子趙一清曰方輿紀要

卷二十引宮苑記云西池吳宣明太子孫登所鑿亦謂之太子池在建康宮西隅因名一清案傳云謚宣而記云宣明誤也

以恪為左輔休

右弼譚為輔正表為翼正都尉

胡三省曰輔正及翼正都尉皆吳自創置之潘眉曰左輔右弼輔正亦都尉名與翼正均

東宮官屬是為四友而謝景范慎范慎見孫皓傳建衡三年刁玄刁玄事見孫皓傳建衡三年注引江表傳何焯曰古無刁

字宜從宋本作刀羊衡等原注衡音道胡三省曰衡古道字馮本音作首誤皆為賓客於是東宮號為多

士侯康曰藝文類聚卷十六載吳張儼請立太子師傳表曰昔賈誼為漢文帝陳周成王為太子以周公為太傅召公為太保呂望為太師又立三少皆上大夫

使與太子居處左右前後皆正人也明禮義以導習之故能光熙文武興隆周室伏惟陛下命世應期順乾作主皇太子以天然之姿為國上嗣朝廷以四海未定國家

多事師傳之官闕而未備臣愚以為高祖初基天下造創引張良叔孫通出為師表入與朝政宜博采周漢依舊儀用將相名官輔弼太子於是以熙贊洪業增輝日月

實為光大也按儼此表年月不可考其稱權為陛下則在權稱尊號後姑附於此又曰釋慧皎高僧傳支謙字恭明一名越本月支人博覽經籍莫不精究世閒伎藝多

所綜習徧學異書通六國語其為人細長黑瘦眼多白而睛黃時人為之語曰支郎眼中黃形軀雖細是智囊漢獻末亂避地於吳權召見悅之拜為博士使輔導東宮

與韋曜諸人共盡匡益但生自外域故吳志不載

吳錄曰慎字孝敬廣陵人竭忠知己之君纏繇三益之友時人榮之著論二十篇

毛本十作

士名曰矯非

隋志梁有尙書王氏傳問二卷尙書義二卷范慎問吳太尉劉毅答亡侯康曰隋志當云吳太尉范順問劉毅答順慎古通

後爲

侍中出補武昌左部督治軍整頓孫皓移都甚憚之詔曰慎勲德俱茂朕所敬憑宜登

上公以副衆望以爲太尉慎自恨久爲將遂託老耄軍士戀之舉營爲之隕涕鳳皇三

年卒子耀嗣玄丹陽人衛南陽人 吳書曰衛初爲中庶子年二十時廷尉監隱蕃交

結豪傑自衛將軍全琮等皆傾心敬待惟衛及宣詔郎豫章楊迪拒絕不與通時人咸

怪之而蕃後叛逆衆乃服之 江表傳曰登使侍中胡綜

毛本綜作琮誤

作賓友目曰英才

卓越超踰倫匹則諸葛恪精識時機

官本攷證曰御覽時作知

達幽究微則顧譚凝辨宏達

何焯曰魏

氏春秋凝作淑弼按通鑑辨作辯

言能釋結則謝景

胡三省曰凝堅定也宏闊遠也達明通也好辯者每不能堅定其所守故以能凝辯而證

據宏遠明通者可以
釋難疑之糾結也
究學甄微游夏同科則范愼
胡三省曰究窮竟也甄察別也
衛乃私駁綜曰

元遜才而疏
諸葛恪字元遜
子嘿精而很
顧譚字子嘿譚傳作默
叔發辨而浮
謝景字叔發宋本辨作辯通鑑同

孝敬深而狹
范愼字孝敬通鑑狹作陋胡注陋與狹同
所言皆有指趣而衛卒以此言見咎不為恪等所

親後四人皆敗
何焯曰景愼未嘗敗也
吳人謂衛之言有徵位至桂陽太守卒
桂陽見蜀志先主傳建安

十三
年

權遷都建業徵上大將軍陸遜輔登鎮武昌領宮府留事登或射獵

當由徑道常遠避良田不踐苗稼至所頓息又擇空閒之地其不欲

煩民如此嘗乘馬出有彈丸過左右求之有一人操彈佩丸咸以為

是辭對不服從者欲捶之登不聽使求過丸比之非類乃見釋又失

盛水金馬盂
或曰水盂於時已有
覺得其主左右所為不忍致罰呼責數之長

遣歸家勅親近勿言後弟慮卒

孫權傳嘉禾元年建昌侯慮卒

權爲之降損登晝夜

兼行到賴鄉

賴鄉見孫休傳永安三年

自聞卽時召見見權悲泣因諫曰慮寢疾

不起此乃命也方今朔土未一四海喁喁天戴陛下而以下流之念

下流解見魏志閻溫傳及武文世王公傳樂陵王茂傳

減損太官殽饌

續百官志太官令一人六百石掌御飲食

過於體制

臣竊憂惶權納其言爲之加膳住十數日欲遣西還深自陳乞以久

離定省子道有闕

禮記曲禮曰凡爲人子之禮冬溫而夏清昏定而晨省

又陳陸遜忠勤無所顧

憂權遂留焉嘉禾三年權征新城

合肥新城也

使登居守總知留事時年

穀不豐頗有盜賊乃表定科令所以防禦甚得止姦之要初登所生

庶賤徐夫人少有母養之恩

妃嬪傳吳主權徐夫人傳使母養子登後權遷移以夫人妒忌廢處吳周壽昌曰孫登立爲太

子而不知所出母以子貴之說衰世亦有所不行左傳州吁嬖人之子也州吁雖寵其母雖嬖而卒莫詳其姓氏只以嬖人兩字書之此古之所謂賤妾也

後

徐氏以妬廢處吳而步夫人最寵步氏有賜登不敢辭拜受而已徐氏使至所賜衣服必沐浴服之登將拜太子辭曰本立而道生欲立太子宜先立后權曰卿母安在對曰在吳權默然

或曰有防微之慮者當在此時

吳書曰弟和有寵於權登親敬待之如兄常有欲讓之心

立凡二十一年年三十三卒

登立於魏黃初二年卒於吳赤烏四年當生於漢建安十四年孫權二十八歲始生長子登年

六十而登死赤烏五年立和爲太子赤烏十三年廢太子和處故鄣魯王霸賜死立亮爲太子孫權自登死後信任讒間殺戮忠良老耄昏憤倒行逆施吳國之亡已肇於此臨終上疏曰臣以無狀嬰抱篤疾自省微劣懼卒隕斃臣不自

惜念當委離供養埋齒后土長不復奉望宮省朝覲日月生無益於

國死貽陛下重感以此爲哽結耳臣聞死生有命長短自天周晉顏

回有上智之才而尙夭折

國語周語靈王二十二年穀洛鬪將毀王宮王欲壅之太子晉諫曰不可韋注晉靈王太子也早卒

不立史記孔子弟子列傳顏回者魯人也字子淵少孔子三十歲同年二十九髮盡白蚤死

況臣愚陋年過其壽生爲國

嗣沒享榮祚於臣已多亦何悲恨哉方今大事未定逋寇未討萬國

喁喁係命陛下危者望安亂者仰治願陛下棄忘臣身割下流之恩

下流見前

修黃老之術篤養神光加羞珍膳廣開神明之慮以定無窮之

業則率土幸賴臣死無恨也皇子孝聰哲德行清茂宜早建置

以繫民望諸葛恪才略博達器任佐時張休顧譚謝景皆通敏有識

斷入宜委腹心出可爲爪牙范慎華融矯矯壯節有國士之風羊衡

辯捷有專對之材刁玄優弘志履道眞裴欽博記

裴欽見嚴峻傳

翰采足用

蔣修虞翻

何焯曰此虞翻字疑誤於時仲翔沒交州已十餘年矣且未嘗廁迹官僚也官本攷證陳皓說同弼按虞翻死於赤烏二年孫登死於赤烏四

年五月相距年餘遠道或不及知此翻字或不誤何云已沒十餘年誤

志節分明凡此諸臣或宜廊廟或任

將帥皆練時事明習法令守信固義有不可奪之志此皆陛下日月所照選置臣宮得與從事備知情素敢以陳聞臣重惟當今方外多虞師旅未休當厲六軍以圖進取軍以人爲衆衆以財爲寶竊聞郡縣頗有荒殘民物凋敝姦亂萌生是以法令繁滋刑辟重切臣聞爲政聽民律令與時推移誠宜與將相大臣詳擇時宜博采衆議寬刑輕賦均息力役以順民望陸遜忠勤於時出身憂國謇謇在公有匪

躬之節

易蹇卦之辭王臣蹇蹇匪躬之故正義曰蹇難也有險在前畏而不進故稱爲蹇志匡王室能涉蹇難而往濟蹇故曰王臣蹇蹇也盡忠於君匪以

私身之故而不往濟君故曰匪躬之故

諸葛瑾步騭朱然全琮朱據呂岱吾粲闕澤嚴峻

張承孫怡忠於爲國通達治體可令陳上便宜蠲除苛煩愛養士馬撫循百姓五年之外十年之內遠者歸復近者盡力兵不血刃而大

事可定也臣聞鳥之將死其鳴也哀人之將死其言也善

論語曾子之辭

故

子囊臨終遺言戒時君子以爲忠

左傳襄公十四年楚子囊還自伐吳卒將死遺言謂子庚必城郢君子謂子囊忠君

薨不忘增其名將死不
忘衛社稷可不謂忠乎

豈況臣登其能已乎願陛下留意聽采臣雖死

之日猶生之年也既絕而後書聞權益以摧感言則隕涕是歲赤烏

四年也

陳本無也字誤

謝景時爲豫章太守不勝哀情棄官奔赴拜表自劾

權曰君與太子從事異於他吏使中使慰勞聽復本職發遣還郡諡

登曰宣太子

吳書曰初葬句容

句容見孫權傳赤烏八年

置園邑奉守如法後三年改葬蔣陵

孫權葬蔣陵

子璠希皆早卒次子英封吳侯五鳳元年英以大將軍孫峻擅權謀

誅峻事覺自殺國除

吳歷曰孫和以無罪見殺衆庶皆懷憤歎前司馬桓慮因此招合將吏欲共殺峻立英事覺皆見殺英實不知

謝景者字叔發南陽宛人在郡有治迹吏民稱之以爲前有顧劭其

次卽景數年卒官

趙一清曰水經贛水注白社有徐孺子墓吳嘉禾中太守長沙徐熙於墓隧種松太守南陽謝景於墓側立碑

孫慮字子智登弟也少敏慧有才藝權器愛之黃武七年封建昌侯

建昌見孫權傳黃武七年又見太史慈傳趙一清曰寰宇記卷百十一孫慮城在建昌縣南一百里城南有青石井可深十丈常冬夏有水後二年黃龍

二年丞相雍等奏慮性聰體達所尙日新比方近漢監本官本宜進爵稱

王權未許

慮作鬪鴨欄陸遜諫止慮卽時毀徹之見遜傳慮納潘濬女見濬傳

久之尙書僕射存上疏曰

李龍

官曰存上有脫文否則失其姓也錢大昭曰史失其姓建衡元年有督軍徐存與監軍李勛從建安海道擊交阯未知是否帝王之興莫不

褒崇至親以光羣后故魯衛於周寵冠諸侯

周公封於魯康叔封於衛皆武王同母弟也

高

帝五王封列于漢

漢高帝八男此言五王者漢書有高五王傳惠帝文帝有紀淮南王別有傳也

所以藩屏本朝

爲國鎮衛建昌侯慮稟性聰敏才兼文武於古典制宜正名號陛下

謙光未肯如舊羣寮大小咸用於邑

於邑鬱結也

方今奸寇恣睢金鼓未

弭腹心爪牙惟親與賢輒與丞相雍等議咸以慮宜爲鎮軍大將軍

授任偏方以光大業權乃許之於是假節開府治半州

半州見張昭傳薛綜傳慮以薛

綜爲長史見綜傳事在黃龍三年趙一清曰方輿紀要卷八十五半洲城在九江府西九十里晉所築一清案孫慮封建昌侯今南康府之建昌縣也北去九江尋陽僅九十里耳故開府於此然必有城治或晉時因其舊基修築之耳

吳書載權詔曰期運擾亂凶邪肆虐威罰有序干戈不戢以慮氣志休懿武略夙昭必

能爲國佐定大業故授以上將之位顯以殊特之榮寵以兵馬之勢委以偏方之任外

欲威振敵虜厭難萬里內欲鎮撫遠近慰卹將士誠慮建功立事竭命之秋也慮其內

修文德外經武訓持盈若沖

毛本盈作隱誤

則滿而不溢敬慎乃心無忝所受

慮以皇子之尊富於春秋遠近嫌其不能留意及至臨事遵奉法度

敬納師友過於衆望年二十嘉禾元年卒

當生於漢建安十八年小孫登四歲先登死十年

無

子國除

孫和字子孝慮弟也少以母王有寵見愛

妃嬪傳王夫人傳黃武中得幸生和當生於黃武三年說見

王夫人傳

年十四

嘉禾六年

爲置宮衛使中書令闕澤教以書藝好學下士甚

見稱述赤烏五年立爲太子時年十九闕澤爲太傅薛綜爲少傅

闕澤薛綜皆以赤烏六年卒爲傳不過一年此後吾粲爲太傅自此遂二宮交構陸遜上疏言太子正統魯王藩臣宜寵秩有差書三四上權不聽許且累遣中使責讓遜遜以赤烏八年憤恚致卒和亦幽閉直至赤烏十三年徙和於故鄣魯王霸賜死兩敗俱傷而吳遂立幼主矣

而蔡穎張純封輔嚴

維等皆從容侍從

吳書曰和少岐嶷有智意

岐嶷解見魏志明紀卷首注引魏書

故權尤愛幸常在左右衣服禮秩雕

玩珍異之賜諸子莫得比焉好文學善騎射承師涉學精識聰敏尊敬師傅愛好人物

穎等每朝見進賀和常降意歡以待之講校經義綜察是非及訪諮朝臣考績行能以

知優劣各有條貫後諸葛豐僞叛以誘魏將諸葛誕

李龍官曰諸葛誕卽諸葛豐之後此何以云諸葛豐吳主赤烏

十年傳注引江表傳作諸葛壹是豐字乃壹字之訛

權潛軍待之和以權暴露外次又戰者凶事常憂勞憊恒

不復會同飲食數上諫戒令持重務在全勝權還然後敢安 張純字元基敦之子

張純事見顧邵傳及注引吳錄又見朱異傳注引文士傳

吳錄曰純少厲操行學博才秀切問捷對容止可觀

拜郎中補廣德令

廣德見妃嬪傳徐夫人傳

治有異績擢爲太子輔義都尉

輔義都尉一人吳置純事又見

後注

是時有司頗以條書問事和以爲奸妄之人將因事錯意以生禍心

不可長也表宜絕之又都督劉寶白庶子丁晏晏亦白寶和謂晏曰
文武在事當能幾人因隙構薄圖相危害豈有福哉遂兩釋之使之
從厚常言當世士人宜講修術學校習射御以周世務而但交游博
弈以妨事業非進取之謂後羣寮侍晏言及博弈以爲妨事費日而
無益於用勞精損思而終無所成非所以進德修業積累功緒者也
且志士愛日惜力君子慕其大者高山景行

詩小雅車輦之章高山仰止
景行行止鄭箋云王亦庶幾

古人有高德者則慕仰
之有明行者則而行之

恥非其次夫以天地長久而人居其閒有白駒過

隙之喻

漢書魏豹傳人生一世閒如白駒過隙師古曰言其速疾也白駒謂日景
也隙壁際也沈欽韓曰莊子盜跖篇忽然無異騏驥之馳過隙也墨子兼

愛篇人之生乎地上無幾何也譬
猶駟馳而過卻也據此則謂馬也

年齒一暮榮華不再凡所患者在於人

情所不能絕誠能絕無益之欲以奉德義之塗棄不急之務以修功